



ル 5
3150
19



門 5
號 3150
卷 19

黔南識略卷二十九

貴州巡撫長白愛必達撰

普安直隸廳

普安直隸廳在省城西南五百五十里古夜郎地漢宛溫縣地屬牂牁郡蜀漢置興古郡治宛溫縣普避桓溫諱改名宛暖縣屬興古郡隋屬牂州唐武德二年置西平州貞觀八年改盤州以盤水為名領附唐平夷盤水三縣隸戎州都督府後為南詔之東鄙東爨烏蠻居之號于矢部其後爨酋阿宋號齊彌部尋復為于矢部元至元十三年改普安路總管府十四

黔南識略卷二十九

黔南諸縣卷二十九
年更立招討司十六年改爲宣撫司二十二年罷司
爲普安路屬雲南行省明洪武十五年置普安府十
六年陞爲軍民府屬雲南布政司二十二年改軍民
府爲衛置軍民指揮使司領樂民平夷安南安籠等
四守禦千戶所屬雲南都司尋改屬貴州都司建文
中置貢甯安撫司永樂元年改普安安撫司屬四川
布政司十三年改爲州直隸貴州布政司領羅羅夷
民十二部號十二營謂部長曰營長萬曆十四年徙
治普安衛城三十年改屬安順府

國朝因之康熙二十六年省衛入州雍正五年改屬南

籠府嘉慶二年平定苗匪以黃草壩州判地設興義
縣並將捧鮓巡檢及州屬黃坪布雄捧鮓三營中左
右二里分撥縣治嘉慶十四年改爲普安直隸州以
興義縣隸之十六年仍屬興義府改普安直隸州爲
直隸廳歸西道管轄設同知一學正一照磨一驛丞
一分駐亦資孔其境東至興義縣界一百七十里西
至雲南霑益州界八十六里南至雲南羅平州界九
十里北至郎岱廳界一百四十里東南至興義縣必
聰梁子界一百三十里西南至雲南平彝縣滇南勝
境界一百一十里東北至普安縣觀音洞界六十四

里西北至雲南霑益州姬家營界九十里廣二百六十里袤二百四十里舊唐書地理志稱盤州在京師西南五千三十里北接郎州南接交州元史地理志普安路治在盤町山陽巴盤江東其地卽今廳屬也扼滇黔之要害達川廣之聲援據險立城足資控制廳城環山抱水西面獨高東南北三面俱下周八里三分計一千四百九十七丈甃以石門回本爲普安衛城明洪武二年建舊於境內設六城今惟亦資孔基址尙存黃草壩捧鮓二城歸興義縣餘亦坍塌番納牟山在城西北一里廳之鎮山也驛道舊經此二

名雲南坡危巒層疊往來行石齒中西一里許有和合山形如雙髻又有營盤山相傳武侯征南時結營於此又城南一里有雄鎮山城東又有筆架山八部山在城東三十里九峯摩空一泉奔注明志元普安路治在山下新盤山在城東七十里新興站在其上捧誥山在城東北三十里舊州治在其下八納山一名廣午山在城北九十里高數十里有七十二小峯頂有龍泉九漚爲大池池旁多翠鳥樹葉落水中鳥卽銜出夾牛山在城西百里舊樂民所在其上香羅山在城西二百里舊平夷所在其上羅磨塢山在城

黔南諸州卷二十州
北一百八十里四面峭壁上有砦路僅容址其東北
厓下瞰盤江黨壁山在城西南二百七十里四山環
繞東南一箐外狹中廣可容數百家土人常避暑於
此又名躲瘴山得都山在城東南四百二十里一名
白厓舊產雄黃水銀格孤山在城東北四百五十里
山勢雄峻界連滇蜀明史傅友德傳洪武十四年征
雲南分遣湖海等由永甯趨烏撒自帥大軍進攻曲
靖大戰白石江遂擊烏撒循格孤山而南以通永甯
之兵奮擊破之是也斗郎箐在城西五十里列當驛
西山多古木新開驛路此爲險峻碧雲洞本名水洞

在城東里許一屏當門幽流旁洩洞門內有石磬二
叩之聲清越以長始入暗甚秉松炬以行少進頂上
透光一隙朗照如日下射層深毛髮可數有石如金
瓜懸於隙下光芒璀璨有石類人者入再進皆水人
無有竟之者居人云水自外入則無警自內出則有
兵歷驗不爽玉陽洞在城南三里天橋洞在城西百
里有石如橋盤江在城東一百二十里自安南縣流
入永甯州界又遶流入廳境又東南流入永甯州募
役長官司界蜀志李恢傳恢爲庾隆都督住平彝縣
丞相亮南征先由越雋而恢設道向建甯諸縣大相

糾合圍恢軍於昆明恢出擊大敗之追犇逐北南至盤江東接牂牁與亮聲勢相連南土平定當離斯界未遠矣拖長江在城東七十里源出沙陀石巖中下通盤江有海子鋪北水猪場河西安河俱注拖長江軟橋河在城東三十五里又南板橋河在城東八十里上接城南三十餘里之大水塘俱流入盤江又者卜河在城東南一百八十里源出城南百六十里之楊那山曲折二百餘里至永甯州界入於盤江水浪河出廳南界山西流注馬別河下入紅江三一溪在城東七十里其源有三一出沙河莊一出目前山一

出雲南坡三流合一故名入於城南水洞響水在城南五十里入石洞聲聞數里新石河在城南洗心泉在城內又有普濟泉味甘人多汲飲香乳泉在城東南二十里溫泉一在城東南八十里其水如沸一在城西百里樂民所水溫可浴唐置盤州三縣盤水廢縣在城東盤江上及今普安縣地附唐廢縣卽今廳境并興義縣地平夷故縣今廳西境及雲南平彝縣地分水嶺關在城西一百一十里庚戌橋在城北六十里兩厓縣立水勢澎湃雍正八年總督鄂爾泰建以是年大功告成故以名橋廳境西七十里石象山

下爲亦資孔驛滇黔分界處也自驛而東地氣蒸濕雨潦不時自驛而西山川開朗風景晴和殆地氣使然歟田畝南里南俄平曠稍膏腴其餘均屬磽瘠成熟田二萬四千三百六十畝有奇徵米二千零八十四石有奇改徵米七百四十五石有奇丁銀一千四百六十一兩有奇銀米並一五加耗地丁扣作驛費秋米除供兵糧廩餼外餘米千石有奇撥運興義縣備供兵米另徵逆絕租米六十三石有奇變價申解額徵正課羨稅銀一千七百八十六兩有奇遇閏增銀一百四十八兩有奇常平倉額貯穀二萬六千八

百六十四石有奇原設社倉十八除苗變焚毀外現存者七貯穀九百四十石有奇社長管理學額十名嘉慶八年建鳳山書院城鄉義學五士子應試者多科名漸盛設一營四汛三十六塘大路三十塘僻路六塘城中駐劄遊擊一員千總把總一員外委一員兵一百一十名分防亦資孔汛守備千總額外各一員兵一百四十名劉官汛上寨汛白沙汛各把總一員兵六十名境內凡四驛亦資孔有驛丞劉官上寨二驛由廳經管皆額馬五十匹站夫百名白沙站係普安縣借地安驛地屬廳驛歸縣所屬有新舊二

黔南諸縣卷之卅九
路舊路由廳城歷軟橋哨至普安縣新路由劉官站
歷庚戌橋而渡毛口爲滇黔上下通衢另有箐口一
路由安南縣岔入亦可達滇渡口原設有三毛口渡
撥隸安南江底渡撥隸興義縣現僅有高家渡設有
渡船苗人多係狃家猓猓性馴狃苗剽悍猓猓
有三種剛夷最賤世爲臣僕白夷次之世爲把目黑
夷卽烏蠻最貴世爲酋長歲時伏臘吹蘆笙擊銅鼓
雞卦招姻砍牛治喪風未盡改也又有熨人俗呼爲
民家子自滇遷來其族多趙何等姓又猓猓俗呼爲
老巴子自楚流入其族多鄧楊等姓二種服色土俗

多與漢同猓猓奸頑熨人狡詐又其習俗使然也各
營舊有土司龍氏管轄康熙間改土歸流以龍氏兩
世捐軀著有勞績其裔龍德正辨糧勤慎又捐修文
廟橋梁授以土千總職銜管魯土簵箕二營其歸順
毛政普陌狗場四營俱有龍氏支庶隴姓土目分管
世代相承蓋犬羊之性各服其主雖改土歸流仍畱
土目名色以資彈壓廠二產白鉛現存中營廠歸西
道經管場市三十八城內一餘分佈四鄉以十二支
分配逢期趁集地宜晚穀間種黍菽麥菽包穀俗稱
玉麥民間賴此者十之七菓木多桃李梨杏三十里

菁舊產芝菌蒲筍年來漸減惟雞縱較他處爲佳山
饒水草便畜牧所屬四里六營里皆漢人六營前概
苗夷近乃漢苗錯處因平定後地廣人稀滇民就近
移居者多繼復有遵義及屬省民人相率而至者依
草附木初猶相安迨日久呼羣引類源源踵至漢戶
滋多侵佔盤剝在所不免自道光七年清查漢戶保
甲嗣後流民戶口不准續增漢民不准續置苗產從
此立明限制可以杜絕其流矣

論曰普安自興義平定以後土曠人稀其土目大姓
招佃種土流民源聚氣類不一滇蜀失業窮黎攜妻
挈子而來者踵相接也土日以龍姓爲尊隴姓亦其
支庶每有小分輒互率其佃戶肆爲角鬥以衆爲強
此風殆未可長也其衿監士族亦漸漸效尤不以爲
恥編氓無論矣閩粵械鬥之案明立科條蓋不惜小
懲而後可以大誠普安諸處或可依此而行也龍姓
土司以曾有微勞世蒙職銜地方有司於該土弁謁
見之時預加申儆毋稍假以辭色如再玩愒則直達
於大吏以懲削之古人拔薤之風亦前事之師也茲
是邦者其毋養癰以貽累而後可

黔南識略卷二十九終

黔南識略卷三十

貴州巡撫長白愛必達撰

遵義府

遵義府在省城北二百八十里禹貢梁州之域戰國時楚莊王使莊蹻將兵循江上畧巴黔以西卽其地也秦爲夜郎地漢屬牂牁郡唐貞觀九年於牂牁北界分置郎州以夜郎地而名領恭水高山貢山柯盈邪施釋鸞六縣十一年廢十三年又於其地置播州以其地有播川爲名仍置六縣十四年改恭水爲羅蒙縣高山爲舍月縣共山爲胡江縣柯盈爲帶水縣

邪施爲羅爲縣釋鷲爲胡刀縣十六年又改羅蒙爲遵義縣二十年以夷州之芙蓉瑯川二縣來屬顯慶五年廢舍月湖江羅爲三縣景龍三年廢莊州都督府以播州爲都督府先天二年罷都督以黔州爲都督府開元二十六年又廢胡刀瑯川兩縣天寶元年改爲夜郎郡乾元元年復爲播州乾符初南詔陷播太原楊端應募復其城歷五代世有其地宋大觀五年南平夷人楊文貴等獻其地建爲州領播川琅川帶水三縣宣和三年廢爲城隸南平軍端平三年復以白棉堡爲播州三縣仍廢嘉熙三年設播州安撫

司領樂源縣咸淳末以珍州來屬隸夔州路元至元十四年楊邦憲歸附置播州軍民安撫司隸湖廣行省十五年以鼎山縣隸播州二十六年改播州爲播南路二十八年楊賽因不花言所授安撫職任隸順元宣慰司其所管地於四川行省爲近乞改爲軍民宣撫司直隸四川因授漢英爲紹慶珍州南平等處沿邊宣慰司行播州軍民宣撫司於是播州亦兼宣慰宣撫之稱賽因不花漢英賜名也明洪武四年歸附仍置播州宣撫司六年陞爲宣慰使司領安撫司二曰草塘曰黃平長官司六曰眞州曰播州曰餘慶

黔陽府志卷三十一
地理
曰白泥曰客山曰重安萬曆二十七年宣慰司楊應龍叛川湖貴州總督討平之播州自唐入楊氏傳二十九世八百餘年至應龍而亡二十九年分播州爲二置遵義平越二軍民府平越屬貴州遵義屬四川國朝康熙二十六年裁軍民字雍正五年改隸貴州布政司領州一縣四舊設通判駐仁懷廳地方四十一年改通判爲直隸同知貴州惟遵義一府歷無親轄地方領正安州遵義桐梓綏陽仁懷四縣屬西道管轄治遵義縣設知府一教授一訓導一經歷一其境東至思南府婺川縣界三百里西至四川敘永廳界

五百里南至貴陽府修文縣界一百里北至四川綦江縣界三百七十里東南至平越直隸州湄潭縣界一百五十里西南至大定府黔西州新場界一百二十里東北至四川涪州界五百三十里西北至仁懷直隸廳界五百六十里廣七百九十里袤三百六十里至
京師七千九百一十里城週七里六分計一千三百餘丈登以石門四明萬曆二十九年建遵義縣附郭正安州在郡東北二百六十里綏陽縣在郡東一百里桐梓縣在郡北一百二十里仁懷縣在郡西北一

黔南諸郡卷三十一
百六十里郡境西北則塹山爲關東南則附江爲池
川貴間一都會也山自永甯之雪山關蜿蜒而來過
仁懷之關門壘轉折盤曲特起崇巒則郡城之鎮山
碧雲峯也旋而左者爲遵邑之海龍壘居萬山之巔
四面陡絕昔播賊楊應龍倚爲巢穴又左爲桐梓之
婁山關旋而右者爲綏陽之桑木關正安州之龍洞
關皆高出雲表一夫守之千人坐廢所謂天險殆不
過是水則烏江界其南迤而東北由思南以入蜀西
則赤水河限之黔蜀畫疆以此爲界昔附川東距成
都千餘里僻在一隅無關扼塞今割隸黔疆而北境

之形勢以壯田賦關稅抵黔之半境其川原輿衍地
脉疏通介巴蜀之間雨暘不爽耕穫以時水經注謂
牂牁夜郎之間山無瘴毒是也地久爲土酋所據明
竭三省之兵力然後克之明史李化龍傳化龍總督
湖廣川貴軍務兼巡撫四川討叛臣楊應龍分八路
進兵川師四路總兵劉綎由綦江馬孔英由南川吳
廣由合江副將曹希彬由永甯黔師三路總兵童元
鎮由烏江叅將朱鶴齡宣慰安疆臣由沙溪總兵李
應祥由興隆楚師一路分兩翼總兵陳璘由偏橋每
路兵三萬官兵三之士兵七之自出師至滅賊凡百

有干四日川路由綦江自桐梓入以婁山爲要害由南川自真州綏陽入以桑木關爲要害由合江永甯自仁懷入以二郎壩桑木壩爲要害黔路由烏江入以老君關爲要害自水西由沙溪入以落濛關爲要害由興隆自平越甕安入以黃灘關爲要害楚路由偏橋自餘慶湄潭入以三渡關青蛇囤爲要害承平以來屹然形勝民俗男務耕讀女勤紡織自乾隆八年知府陳玉璧攜其蠶種由山左來教民種椽以養之取絲爲帛至今衣被甚廣椽一名榭葉卽禹貢之屨也大如掌其長而尖者名柞其葉經霜雪不落亦

名不落樹黔人謂之椽又謂之青桐樹子房生實如小棗葉厚者更宜蠶植法於秋末冬初收子不令近火冬月窰子於土內春則萌芽三年後可飼蠶飼後息以一年或一季乃復飼至四年五年者伐其本俟新肄出飼如前樹欲樨葉欲蔚風雨調和蠶繭始形繁茂春季養蠶之法於隔年小陽旬日後揀其繭之重實有蛹者盛以竹篋立春後置諸密室薪火微烘之無使間春分時覺蛹稍動用線串繭分挂於室中竿上仍無脫火量其氣候之寒燠寒則微火宜緩出蛾燠則甚火宜急出蛾蛾出拾入筐眉粗者雄眉細

者雌配以孕次日取雄蛾另貯撥雄蛾捏其溺否則其子不遺也子始生筐不斷火蠕蠕然如針鋒先以青桐嫩枝葉置筐內外待其蠶自上枝葉即將蠶枝縛於樹五六日爲初眠不食葉蛻去黑殼色分青黃又五六月爲二眠經三四眠後食葉旬日則噤口退膘吐絲成繭矣閱三日漿固連葉摘下去葉縑絲稍遲則變蛹出蛾不堪用如欲畱貯以火燻之不成蛹凡蠶眠時不可剪移俟起眠後葉食盡方移他樹蠶一上枝須人毆鳥雀其蠶筐以黃荆嫩條爲之餘竹木所爲則不能粘子秋季養蠶於五月中將春所收

繭晾於竿上不使罨壞蛾出則拾入竹篋讓其合次日取雌蛾二以四寸許長線分繫之置樹間卽生子麗於枝葉春蠶宜稠散樹上葉一盡則易剪秋蠶宜少撒樹巔就嫩葉與之食秋多油炸蝻每夜須伺聲以捕取絲之法以大釜盛水傾繭於其中煮半時輒翻轉將輒則沃以葭草灰汁取小竹管擄其浮絲分成絡作數提仍置釜內無斷火水熱然後絲易抽也其抽絲器具與家絲同織而成之則爲繁紬又謂之遵義紬郡境彌山漫谷一望蠶叢絲之值倍繭紬之值倍絲其利甲於黔省其紬行於荆蜀吳越間矣學

黔南諸山卷三十一
六
額文武生各十八名仁懷廳改隸之後考試仍在遵義附棚城中建有湘川培英啟秀三書院東脩膏火均在遵義收納棚租內劃出府無親轄地方其田畝糧賦倉儲市集關隘兵防等類分載各屬由知府經管者十九處稅口每年經徵鹽雜稅銀五千六百五十七兩二錢有奇除開消折耗等費解司庫五千四十七兩有奇月亮巖等處向有鉛廠因洞老山空於乾隆六十年詳請封閉餘與各府同
論曰習俗之錮人也甚矣哉播爲楊氏所據者八百年明定其亂以平越隸黔遵義隸蜀我

朝復以遵義隸黔其地沃饒冠於全省顧其民多訟正安綏陽次之桐梓仁懷其最著也人命盜賊所在紛填揆厥所由蓋漸積者久矣聞楊氏爲土酋時殺人者令以牛馬自贖有被盜者聽民自搜令盜以一償十故民有疾病死亦必誣指其素嫌之人以洩忿被盜之家皆糾人遠近自搜指疑似之賍取倍稱之息並有不必失盜而故擾人以漁利者故盜踪全無影響而誣良磔索之風較之眞盜爲尤烈及官訊出實情照例懲治而良民之受其波累者指不勝屈矣今遵郡通屬命盜案件歲不過數十起而藉端誣陷者

黔南諸郡卷三十 七
風未盡泯益流毒之深自楊酋階之厲也渤海之守
文翁之化斯固不專以武健勝者今豈必無其人哉
遵義縣

遵義縣附郭漢盤縣地屬牂牁郡晉建興元年改屬
平夷郡後廢隋爲牂牁地唐貞觀元年以牂牁地置
恭水縣屬郎州十一年省十三年復置爲播州治十
四年更恭水曰羅蒙十六年更羅蒙曰遵義顯慶五
年廢舍月併入宋大觀二年建遵義軍及遵義縣宣
和三年廢爲遵義砦屬珍州開禧三年陞爲軍嘉定
十一年復爲砦嘉熙中復置播州不領縣遷置穆家

川元因之置播州總管府明洪武九年置播州長官
司於郭內授土酋王慈子孫世守萬曆二十九年改
置遵義縣與府同隸四川

國朝雍正五年改隸貴州與府同城設知縣一教諭一
訓導一典史一其境東至綏陽縣界八十里西至仁
懷縣界一百五十里南至貴陽府開州界一百里北
至桐梓縣界九十里東南至貴陽府修文縣界一百
四十里西南至大定府黔西州界一百五十里東北
至綏陽縣界九十里西北至仁懷縣界一百六十里
山川險奧田地寬衍東由湄潭而入以葛藤爲扼要

西由黔西而入以古樓爲扼要南限烏江達省之要津也北峙婁山通蜀之重阻也鳳山在城東一里形如鳳翥湘山在城東二里湘江上有鶴池洞林木蒼藹泉石涓潔爲遊憩勝地上有寺龍鎮山在城東十里一名高巖香風山在城東二十里上有石洞相近有玉屏山仙人山聚秀山在城東四十里一名水園山林壑隱秀山麓有清水橋板角山在城東九十里勢極險峻舊有板角關征播之後陳璘攻長坎瑪瑙保子三圍陳良珖師來會令伏圍後別以一軍守板角關防賊逸力攻三日三圍遂下是也錦屏山在城

西南二里茂林修竹如屏障然南宮山在城南十里天臺山在城南三十里放牛山在城西十五里爲郡之鎮山馬坎山在城西二十里明李化龍檄鎮雄土官隴澄搗賊巢賊伏兵大水田別以五千人來襲敗還部將王嘉猷乃揚聲搗大水田而潛以一軍拔大夫關直抵馬坎斷賊歸路即此天馬山在城西三十里元寶山在城西四十里上有瀑布相近又有大水田上有池可資灌溉又有崆峒山雷變山在城西八十里山麓有池寬平數十丈可灌田洪關山在城西八十里山麓有池寬平數十丈可灌田洪關山在城西

南一百里方輿紀要楊應龍叛遣其子朝棟守沙溪
緝麻山防永甯貴州之師是也龍山在城北二里傳
爲郡之主山眠象山在城北十五里相近有蘭山白
鹿山蟠龍山紫霞山在城北三十里定軍山在城北
四十里唐咸通中楊端擊南詔駐軍於此因名永安
山在城北六十里外高內平有田二千餘畝又有巖
門山婁山在城北九十里俗名大樓山舊有關曰太
平關亦曰婁山關又曰婁關爲自川入境第一險要
明播酋楊應龍作亂兵分八道以綦江道最要令縱
當之縱踰夜郎舊城攻克賊滴淚三坡互窰坪石虎

諸隘直抵婁山關婁山萬峯插天叢箐中一徑纔數
尺賊設木關十三座排柵置深坑百險具備縱分奇
兵爲左右間道趨關後自督大軍仰攻奪其關婁山
北三十里有九盤隘又有白石口隘明史四川土司
傳萬曆十九年張時照上變告應龍反巡撫王繼光
嚴提勘問應龍抗不出二十一年分兵三道進婁山
關屯白石隘應龍佯約降統苗兵據關衝擊殺傷大
半卽撤兵二十八年總兵劉綎破九盤入婁山關是
也越甯峯在城東四里相近又有十三峯碧雲峯在
城西十里四峯並峙中一峯迥出青碧如雲下有碧

黑南詔略卷三十一
水滴水巖在城東南五十里有石洞可容萬人黃鐘巖在城北四十里一名伴雲峯櫃巖在城北三百里中有石穴穴前有石如櫃故名長箐萬丈林在城南明都指揮徐成合泗城土官岑紹勳兵克河渡關賊將張守欽袁五受據長箐萬丈林永順兵擊破生擒守欽攻清潭洞復擒五受是也藏玉邱在城北十五里有蓮花月池青蛇囤在城東八十里明陳璘征播之後璘由偏橋進營楠木橋次湄潭賊悉聚青蛇長坎瑪瑙保子四囤地皆絕險而青蛇尤甚璘先攻三囤次及青蛇青蛇四面陡絕璘困其三面購死士從

瑪瑙後附葛至山背舉礮賊惶駭諸軍進攻賊退入囤內木石交下將士冒死上毀大柵二重前後擊之賊大敗卽此處也海龍囤在城北四十里上有飛昇巖舊爲楊應龍巢穴方輿紀要楊應龍於壘前築九關以拒官軍萬曆二十八年官軍進圍海龍囤囤前陡絕飛越難至諸將以勁兵逼其間并力攻囤後別將徐成奪據鳳凰嘴賊奔土城官軍毀城而入賊進據月城因縱火焚其土城月城二樓四面奮擊遂克之今建有海潮寺水烟天旺囤在城西南明史貴州土司傳楊應龍之祖以內難走水西客死宣慰安萬

銓挾之索水烟天旺地聽還葬其地遂爲水西所據
是也桃源洞在城中里許洞前有碑鐫曰李白聽鶯
處白詩有清浮蟻酒醅初綠暖入鶯簧舌漸調流夜
郎時所詠也有亭榜曰懷白明大學士王應熊建白
雲洞在城東三里仙女洞在城東五里卿雲洞在城
北十里相近又有景仙洞楠木洞在城北二百四十
里其南爲山陽峒及簡臺峒名曰三峒由綦江東溪
入播三峒素稱奇險明劉綎督諸將克丁山銅鼓巖
村遂直搗楠木山羊簡臺三峒賊將穆照等衆數萬
連營縱分兵攻其三面大戰於李漢壩生擒其魁餘

賊奔入峒乘勢克三關直搗峒前焚之盡克三峒地
險旣失播由是破也烏江在城東南八十八里源出
威甯州北山逕畢節縣南爲七星河又逕大定府爲
六歸河又東逕黔西州南爲獬革河又逕清鎮縣北
爲鴨池河又東北逕修文縣之西北遵義縣之東南
始名烏江合湘洪仁三江水由餘慶石阡龍泉至思
南入涪江洪亮吉水道考據漢志水經以烏江爲卽
延江謂唐以前尙無有以延江水爲烏江者按元和
郡縣志黔州西有延江水一名涪陵江自牂牁北歷
播費思黔等州北注岷江太平寰宇記邛水在播州

芙蓉縣東三十里南流廢胡江縣在播州東南四十里以界內江名邑又唐書貞觀五年以廢邠州之樂安宜林芙蓉瑯川四縣屬智州邠水當以邠州得名邠音於邠胡烏聲相近是邠水胡江皆烏江也方輿紀要涪陵江自思州即今境流入黔州境分流爲施州江其正流經彭水武隆二縣凡五百餘里會於涪州之東蓋卽烏江下流矣庾仲雍云別江出自武陵水經延江水從鬱縣東屈北流自巴郡涪陵縣注更始水酈道元曰更始水卽延江枝分之始蓋皆涪陵江矣是烏江之名已見於唐延水之稱亦更無別川

可當之也湘江在城東四里一名穆家川方輿紀要曰四裔傳宋遷遵義軍於穆家川卽此源出縣北四十里龍巖山逕湘山南與桃溪水合迂回五百里入烏江洪江在城東四十里源出婁山關南山合仁江入烏江仁江在城東南五十里源出縣西北六十里永安驛山澗流合湘江入烏江太平寰宇記仁水在芙蓉縣西南一里東南經邠水是也水道考曰湘江卽古之鬱水地理志牂牁郡鬱縣下不狼山鬱水所出東入延過郡二行七百三十里今本漢書延字誤作沅過郡二者牂牁爲龍巖山當卽古之不狼山

也古犍爲符縣之溫水黠水卽今合湘江之洪江仁
江地理志符縣溫水南至營入黠水黔水亦南至營
入江此江卽延江水也按水經延江水東至牂牁營
縣又東屈北流至巴郡涪陵縣是營入延卽在其縣
水經於江水條曰江水東至枳縣西延江水從牂牁
郡北流注之於延江水條曰延江水注更始水東南
入於酉水東南至沅陵縣入於沅今烏江正流由四
川彭水縣入岷江支流由湖南永順縣境合酉水入
沅江是也過郡二者牂牁武陵華陽國志亦曰營水
入沅漢志未嘗誤也若如洪說營水於其縣入不

當歷犍爲境安得云過郡二行七百餘里乎以延江
考營縣實在今郡屬諸縣界湘江屈曲繚繞縣境水
多人焉豈卽漢之營水歟唐以播川名郡亦疑卽此
不狼山所在未審說文溫水出犍爲符南入黠水水
經注溫水一曰暖水出犍爲符縣而南入黠水黠水
亦出符縣南與溫水會闕駟謂之闕水俱南入營水
營水其縣而東注延江水漢符縣爲今四川瀘州
合江縣今仁懷廳縣地均與合川縣接界溫水當在
其境實未能定其爲今何水也方輿紀要引地記云
府東有鐔封廢縣漢志溫水出於此入鬱非也黠與

黔同水經注酉水北岸有黠陽縣許慎曰溫水南入
黠蓋警水以下津流沿注之通稱也故縣受名焉是
黠水卽烏江也溫警二水俱滙黔入江謂涪陵江非
延江也水道考傳會古籍礙難徵實矣又漢志犍爲
漢陽縣漢水東至警入延不可考桃溪在城南十里
源出城北六十里上莊山溪水滙流爲羅家河至壩
竹水羅爲水又數里與湘江合流入烏江樂閩河在
城西南八十里明史地理志作落閩水源出雷變山
東流八十里合湘江而入烏江金鼓潭在城西南四
十里入樂閩河樂安河在城東七十里源出綏陽之

金竹里南流爲綠塘河經樂安里穿袁門壘山與烏
江合沙溪在城西一百里源出西南二百里之巖孔
山流入烏江明史四川土司傳洪武十五年城播州
沙溪以官兵一千人土兵二千人戍之卽此鳳凰溪
在城東四十里源自綏陽之西山西南流至縣東境
之清乘橋合洪江亦名長灘有石洞下流合湘江湄
潭水在城東一百里源出湄潭水經三渡關外流入
烏江黑水河在城西七十里出洪關入偏巖龍坪河
在城南四十里龍馬溪在城北十五里芙蓉江在城
北二十里九節灘在烏江方輿紀要萬曆中永甯奢

黑南諸略卷三十一
崇明作亂其子寅據遵義官軍討之戰於九節灘復
追敗之於南城外鑼鋼渡遂復遵義是也養馬水在
城南三十里山有犀牛洞泉自洞中石穴迸出出閱
一晝夜卽止或積雨而仍湮或久晴而忽湧未有以
測也刀靶水在城南八十里石壁泉在城北三十里
石壁上刊有山齒齒水瀾瀾白飛霞曾到此十二字
下有青泉一道傳白真人曾於此浴手至今取以療
疾頗驗龍泉在城北六十里易氏井在城南一里水
極甘美海風井在城西南八里井上多風昔有異人
指曰此南海風也因名躍龍井在城北龍山井有三

一在山頂一在山腹一在山麓三井相通冬溫夏涼
太平寰宇記江南西道遵義縣東四十里有禽陵山
縣北有夷牢水又帶水縣有帶水胡刀縣有胡刀水
今不可詳三渡關在城東一百一十里有上度中度
下度三關方輿紀要萬歷中貴州帥李應祥討楊應
龍自平越進兵攻四牌乾溪旋水三百落等寨盡克
之長驅直抵疆界河屯袁家渡得降賊爲鄉導潛出
小溪直抵黃灘關乘勝追至西戶張王壩及三渡關
關係楚兵出入咽喉應祥悉拔之由是湖帥陳璘自
湄潭直抵上度關以扼播州應龍勢愈感卽其處也

老君關在城南八十里又有河渡關明童元鎮督永順鎮雄泗城諸土軍先奪烏江復奪老君關再拔河渡關賊以步騎數千先衝水西軍陣亂兵走爭浮橋橋斷殺溺死者數千人河渡既敗烏江相去六十里猶未知賊咸爲水西裝兵不知疑賊掩殺三百人亦襲其裝直趨烏江軍信爲水西不設備遂爲賊所破烏江關在城西南八十里明洪武中建下有烏江渡頗通舟楫官設渡船經費給之藩庫落濠關在城西三十里明巡撫郭子章許安疆臣以應龍平後還播所侵水西烏江地六百里以酬功疆臣從沙溪入率

所部奪落濠關至大水田焚桃溪莊卽此鎮南關在城南八十里小洪關在城南八十里大洪關在城西八十里黑水關在城西九十里路出瀘州明馬孔英道南川奪桑木關連破九杵黑水諸關是也崖門關在城北五十里明吳廣出合江屯二郎壩分四哨進攻崖門連破屯進營母豬塘遂薄崖門徑小止容一騎攀崖競進追至第四關賊黨出降其第一關猶扼不下廣乘夜疾進奪其關連戰紅碗水土崖分水關皆捷遂進營水牛塘逼海龍囤急燒第二關奪三山與陳璘從囤後登應龍急自焚死蓋扼塞處也木來

關在城西一百六十里合口渡在城東八十里上有
合口關長灘渡在城東八十里黃灘渡在城東八十
里明李應祥征播時由興隆入會烏江敗乃取他道
渡河賊所恃止黃灘一關會賊徒石勝俸等率萬餘
人降告曰去黃灘三十里有三關入播門戶也先襲
破之則黃灘難孤守應祥然其計攻關直抵海龍岡
是也茶山渡在城南一百里米梁渡在城北一百八
十里吳公橋趙公橋俱在城東門外又有巨濟橋元
大德中建通遠橋在城東三里旁有峭壁高數仞鐵
鎖橋在城東三十里清水橋在城東四十里兩岸如

削綠塘橋在城東六十里後川橋在城北三里會川
橋在城北五里會川河大板橋在城北七十里又十
里有小板橋廢溱州在城北二十五里廢播州在城
北三十里白綿堡昔楊光榮子孫承襲守此宋忠烈
公楊燦以十訓刻石示子孫今有家訓碑廢且蘭縣
在城南方輿紀要云今郡治卽故且蘭地案華陽國
志莊躋泝沅水出且蘭以伐夜郎植牂牁繫船於是
因名且蘭爲牂牁國縣距沅水遠恐非且蘭地也廢
暨縣在城西遵義故縣在城東北百里廢甯夷縣在
城東廢帶水縣在城北三十里唐貞觀中改柯盈縣

置養馬城在城北三十里唐末楊氏建爲牧馬地明
史四川土司傅總兵劉綎師屯白石應龍率諸苗決
死戰綎親勒騎衝中堅分兩翼擊敗之追奔至養馬
城連破龍瓜海雲堅固壓海龍固是也樂蒙城在城
西四十里明天啟間兵備道盧安西築舊址尙存冉
璉冉璞故宅在城東十里冉家林普澤廟在城南二
里祀唐巴川令兼鎮南軍使趙延之宋慶厯間賜號
普澤累封英顯廣利公水旱祈禱多應劉將軍祠在
桃源洞口祀明贈少保總兵劉綎陳太守祠祀知府
陳玉璽乾隆初守郡創椽繭之利民所在祀之縣轄

四鄉十三里東鄉曰東隅里通平里樂安里南鄉曰
南隅里清潭里忠莊里平水里西鄉曰西隅里天旺
里沙溪里北鄉曰北隅里永安里大溪里原額全熟
上中下田二十六萬四千四百三十一畝有奇全熟
地十四萬三千四百九十九畝有奇徵糧九千四百
四十八石九斗有奇該徵糧銀九千二百七兩有奇
條銀四千三百四十六兩五錢有奇遇閏之年地丁
銀內加徵閏銀九百三十四兩九錢有奇原額每田
六十畝載丁一丁每地一百五十畝載丁一丁共該
人丁五千三百六十三丁每丁徵銀四錢六分該徵

丁銀二千四百六十七兩二錢有奇以上銀米總計
藩庫項下督催丁糧條銀並遇閏加徵共銀一萬六
千九百五十五兩八錢有奇內除改徵米石銀三千
九百九十九兩八錢有奇餘銀盡行申解藩庫彈收
再每年於地丁銀內存留改徵米石銀三千九百九
十九兩八錢徵米四千九百九十九石七斗五升除
支遵義協左右兩營兵丁六百四十九名按月支給
並支府縣學廩生餼糧外餘米俟青黃不接詳請平
糶每年餘改徵米內徵收耗米七百四十九石九斗
有奇變價申解道庫額貯常平穀四萬五千一百十

八石學額歲科試額進二十五名設湘川培英啟秀
三書院別置義學一本處產米頗饒食用之餘尚多
蓋藏市價斗米三錢四五分爲最貴三錢一二分爲
中平二錢七八分爲最賤市斗倍於倉斗樹多楓香
青桐白楊等樹物產生漆桐油藍靛菩子苧麻茶蠟
之屬通計漢民一萬三千六百二戶城中駐劄副將
一員左營都司一員右營守備一員千總三員把總
五員兵七百一十名明於播州地設十三驛今裁

黔南識略卷三十終

